



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

Consid. I. die Dominica. Carceris Inferni Angustiæ, Tenebræ, Fœtor.

[urn:nbn:de:hbz:466:1-47773](http://urn.nbn.de/hbz:466:1-47773)

Consideratio I.

Pro die Dominica,

Carcere Inferni.

Angustia.

Considera, primam injuriam, quam DEO infert Anima, esse quod abutatur libertate sibi concessa, violando in DEI oculis præcepta sibi lata, & protestando factis ipsis, quod nolit servire DEO suo: *Dixisti, non serviam.* *Jer. 2.* Hinc ad puniendam & vindicandam temeritatem tam detestabilem, fabricatus est ipse DEUS carcерem aliquem subterraneum in imo Universi loco, ubi par erat eum constitui, ut quam longissime abeasset à cælo. Ibi, quamvis ipse locus satī amplius sit, damnati tamen non habebunt vel illud solatium, ac laxamentum, quo fruitur aut miser aliquis captivus, suos intra muros obambulando; aut misellus æger, suo in lecto se ex uno in aliud latus obvertendo. Siquidem *Congregabuntur in congregacione unius fascis in lacum, & claudentur ibi in carcere.* *Isa. 24. v. 22.* Hærebunt ibi compacti in unum fascem, & unus alteri impositus cumulatim tanquam victimæ infelices: & hoc tam propter multitudinem damnatorum, quibus augusta fiet ingens ceteroquin illa fossa; quam multo magis propter ipsum ignem, qui ipsis pro compedibus erit & catenis: *Pluet super peccatores laqueos: ignis, & sulphur, & spiritus procellarum pars calicis eorum.* *Psal. 10.* Et pater ista DEUS non concurret cum ipsis ad ullum motum, qui sit vel tantillo refrigerio; cùm nullam amplius eorum rationem

tionem habeat, perinde ac si jam in Mundo non essent. *Obliviscatur ejus misericordia. Job. 24. v. 21.* Hinc miseri illi non constricti tantum erunt, sed etiam immobiles, & idcirco si Beatorum aliquis (ut Anselmus ait in libro Similitudinum) tanti erit robotis, ut, si res posceret, totam loco mouere terram posset; Reprobus vicissim quilibet tam erit debilis, ut ne dimovere quidem possit ab oculo vermiculum, qui illum roderet. Habebit igitur carcer ille muros suos latos plus quam quatuor millia milliarum Italicorum; quanta scilicet est à superficie terræ ad Infernum distantia: si tamen ipsi crassiores non essent subtilissima papyro, tam erunt debiles captivi, ut perfringere illos, & fugâ elabi non possent: *Ligatis manibus & pedibus ejus, mittite eum in tenebras exteriores. Matth. 23.* Quæ igitur obsecro conditio erit peccatoris assueti jussa dare, assueti vivere suo arbitrio vel ingratitiis DEI sui, dum se videbit clausum in loco tam profundo intra pedes rerum conditarum omnium, infra pedes ipsorum Dæmonum, absque eo quod unquam per omnem æternitatem recuperaturus sit libertatem illam, quam tam caram habebat? O libertatem detestabilem, quæ desinit in servitutem, quæ non habet finem! Quanto satius erat, modico tempore ferre dulce jugum præceptorum DEI, quam vivere in æternum constrictum laqueis tam formidandis!

Tenebrae.

II. Considera, carcerem hunc non tantum fore angustissimum, sed etiam ultra omnem modum tenebricosum. Erit quidem ibi ignis, sed spoliatus luce, sic ut patiantur quidem oculi ex aspectu horribilissimorum spectro-

spectrorum, sed simul destituantur illo solatio & recreatiōne, quam afferunt fulgura in mediis terroribus atrocissimarum tempestatum : *Vox Domini intercidentis flammarum ignis. Psal. 18.* Verum hoc erit; quia ut affirmat S. Thomas : *ibi erit ardor sine claritate.* Prodigio penitus diverso ab illo, quod patratum olim est in fornace Babylonica; cūm ibi præcepto D E I ademptus fuerit igni ardor, & relicta lux ; in Inferno autem igni auferetur lux, & relinquetur ardor. Insuper cūm illiusmet ignis materia sit sulfur, lucem habebit pallidam ac mœstam ; & hæc ipsa permixta fumo magni illius incendij, dum sursum deorsum agitatitur & volvetur, implebit totum spatiū vacuum cavernæ illius horrendæ, & constituet procellam quādam tenebratum, juxta illud quod scriptum est : *His sunt, quibus procella tenebrarum servata est in eternum. Jude 13.* Tandem ipsa multitudo corporum accumulatorum magnam partem efficiet noctis illius formidandæ; cūm propè nihil aëris ibi mansurum sit, aut alterius corporis diaphani & transparentis, præter oculos damnatorum, circumlessorum tenebris, & media parte cœcum (S. Th. in 4. dist. 50. q. 1. a. 3.)

Considera nunc desperationem Peccatoris hac ratione sepulti. *Usque in eternum non videbit lumen. Psal. 58.*

O infelictum infelictissimum, qui per omnem planè æternitatem ne tenuissimum quidem amicæ lucis radium aspiciet ! satis fuit nox una, ut penitus canum efficeret miserum aliquem captivum ; quos ergo effectus producit in misericordiis illis nox, quam nulla porro dies excipiet ? & si inter omnes pœnas Ægypti solæ tenebræ dictæ sunt horribiles ; *factæ sunt tenebre horribiles. Exodi 10. v. 22.*

Quod

quod nomen dabimus nos illis tenebris, quæ non triduo,
sed semper durant?

Fætor.

III.

Considera, quantum crescat calamitas illius carceris tam angusti, tam obscuri, additamento fœtoris maximi? In primis enim confluent illuc tanquam infentinam aliquam, omnes terræ sordes postquam ultimæ diei ignis eandem Terram penitus purgârit (*S. Th. in 4. dist. 47. q. 2. a. 2.*) Insuper sulfur ipsum, fœtorem efficiet intolerabilem, dum semper in multitudine tam stupenda ardebit. Et denique corpora ipsa damnatorum exhahabunt odorem tam pestiferum, ut unum solum eorum, possum in hoc nostro Mundo, ut *S. Bonaventura* observat, suffecturum esset ad illum inficiendum: *De cadaveribus eorum ascendet fætor. Isa. 24. v. 3.* ait Propheta, vocando illorum corpora, et si viva, Cadavera: viva enim erunt ad penam, quam tolerabunt; & simulerunt cadavera proprie fœtorem teterimum, quem exhalabunt. Videntur se obtulit *S. Martino Dæmonum* aliquis vestitus parvus, & redinutus coronâ, cum dicto, sum Christus. (*Sev. Sulpit. in vita*) adora me, quia dignus sum. At Sanctus ex aliâ luce collustratus, respondit: Dominus meus coronatus est spinis, & totus perfusus Sanguine: ego in novo hoc vestium genere non novi illum. Sic detectus malus genius aufugit; fœtorem tamen post se reliquit tam horrendum, ut hic solus Sancto sufficeret ad agnoscendum quis ille fuerit. Si Dæmon unus tam tetrum odorem emisit, qualis erit halitus ille pestifer, quem exhalabit caverna, in qua collecta hæret multidudo Dæmonum &

dam-

damnatorum omnium simul ligatorum, quin quidquam ejus f^retoris expiret? Ipse a^re diu clausus, sine alio additamento, evadit intolerabilis; judica, qualis futura sit sentina tam multarum, tam putidarum sordium, omnis expers exhalationis. H^ac est habitatio, quam sibi sponte eligunt Peccatores in omne *æ*vum, dummodo brevi somno infames putridæ suæ carnis libidines possint explere. H^ac sunt superba illa palatia, quæ sibi apparant suo fastu illi, qui contemnunt pauperes, & tanquam male olentes à se abigunt. Hoc carcere permittatur ille Paradisus, qui nobis sanguine Filij D E I emptus tantum valet, quantum valet datum pro eo pretium. O permutationem infelicissimam! ô permutationem, quæ deplorabitur immenso mari lacrymarum sine ullo fructu! *Mortuus est d^eves, & sepultus est in Inferno.*

Oratio.

*Ad Patrem aeternum ad evitandum Infernum
apertum.*

O Pater cælestis, Domine immensæ magnitudinis, & Majestatis incomprehensibilis, quæ demum abysmus sinu suo potest continere tot pœnas, ut non sint minores peccatis meis: minores temeritate, quâ tibi fui perduellis, & volui vivere arbitrio meo? Necesse foret, ut illa potentia, quâ me olim extraxisti ex nihilo, & nunc singulis momentis conservas, à te impenderetur ad novum Infernum fabricandum, & carcerem magis horrendum, ut magis responderet puniendæ meæ iniquitati. Ita est, fateor: sed si ego desij esse filius tuus, tu non desisti


B

mihi

Consideratio I.

10

mihi esse Pater. Ad te igitur configio, & ex intimo corde te oro rogoque, ut placeat tibi destruere, non me peccatorem, in peccato meo, me condemnando; sed meum peccatum in me miserabili, ignoscendo mihi & liberando me à tanto malo. Hoc omnino est opus dignum te, vincere Bonitatem tuam malitiam meam, & tollere penitus ex Mundo magnum hoc Monstrum iniquitatis meæ; aliter enim si damnabis me, ego quidem moriar, sed malitia mea vivet semper in illis flammis, quin unquam moriatur. Recordare igitur, quod sum opus manuum tuarum, quæ me effinxerunt ad imaginem tuam; serva igitur, quod tuum est. *Tuus sum ego, salvum me fac.* Si ego gratiam hanc non promereor, promeretur illam tuus ille Filius, quem mihi dedisti Servatorem. Averte vultum à culpis meis, & desige illam in ipsum: aspice in ipso merita illa infinita, quæ ego tibi offero ad satisfaciendum debitis meis, & ad obtainendam tantam gratiam & auxilium, ut in æternum amplius non offendam te; sic ut tibi fideliter ad extremum usque momentum serviendo, ope divinæ Misericordiæ tua fiam dignus obtainere locum in cœlesti Paradisi gloria, ubi cum omnibus Electis tibi benedicam, & gratias agam in secula seculorum. Amen.



Con-